

RESOLUCIÓN

ASUNTO: Concesión de Bolsas a deportistas individuais

EXPEDIENTE: 2021/A002/000004

ANTECEDENTES

Logo de ver o informe de Secretaría, e de conformidade co establecido no artigo 20 da Lei 9/2007, de 13 de xuño, de Subvencións de Galicia, o artigo 21.1.f) da Lei 7/1985, de 2 de abril, reguladora das Bases do Réxime Local e no artigo 11 da Ordenanza Reguladora de axudas e subvencións,

RESOLVO

PRIMEIRO. Aprobar as bases e a convocatoria para a concesión de subvencións por procedemento de concorrencia competitiva en materia de axudas ao deporte, co texto que figura no Anexo da presente Resolución.

SEGUNDO. Aprobar o gasto de 4.000 euros, á que ascende o importe da subvención con cargo a aplicación orzamentaria 340.48000 do exercicio 2021.


TERCEIRO. Rexistrar a información a incluír na BDNS polos medios electrónicos que esta proporcione, acompañada do texto da convocatoria e do seu extracto.

CUARTO. Designar como membros do órgano evaluador a Oscar Liñares Casal, Inés Santos Pereiro e Marcos Fraga Rama.

Mándao e asíno o señor alcalde en Tordoia na data sinalada á marxe.

O alcalde,

E. Antonio Pereiro Liñares



ANEXO

BASES REGULADORAS PARA A CONCESIÓN DE BOLSAS A DEPORTISTAS INDIVIDUAIS DO CONCELLO DE TORDOIA NO ANO 2021

1. Obxecto da convocatoria

Co obxectivo de fomentar a práctica deportiva e a súa participación nas competicións oficiais dos/as deportistas do Concello de Tordoia, en deportes de carácter individual, realízase a presente convocatoria de axudas.

A dotación económica total da presente convocatoria será de 4000 € con cargo aos orzamentos para 2021 na súa aplicación orzamentaria 340.48000

As bolsas serán compatibles con outras axudas públicas ou privadas para a mesma finalidade.

2. Requisitos xerais


Os/as solicitantes deberán cumprir os seguintes requisitos no momento da presentación da solicitude:

- a) Ter nacionalidade española e nados no 2009 ou anteriores.
- b) Estar empadroado no Concello de Tordoia na data de aprobación destas bases e telo estado con anterioridade polo menos dous anos (comprobarase de oficio polo propio concello).
- c) Dispoñer de licencia federativa en vigor.
- d) Ter participado en calquera competición ou proba oficial de nivel autonómico ou superior e/ou convocatorias das seleccións galega ou española da especialidade, durante o ano 2020.
- e) Non ser beneficiario de Bolsa ADO no ano 2020 e 2021.
- f) Non estar incurso en causa de exclusión ou prohibición do artigo 13.2 e 13.3 da Lei 38/2003, Xeral de Subvencións, e artigo 10.2 e 10.3 da Lei 9/2007, de Subvencións de Galicia.
- g) Estar ao corrente das obrigas tributarias e ca seguridade social.

3. Solicitudes e documentación

As solicitudes presentaranse no modelo normalizado que se achega ao final destas bases (Anexo I), e que tamén se poderán conseguir na páxina web www.tordoia.es

O prazo de presentación das solicitudes será de vinte días hábiles, a partir do día seguinte a publicación no Boletín Oficial da Provincia da Coruña, no rexistro xeral do Concello de Tordoia ou en calquera das formas dispostas no artigo 16.4 da Lei 39/2015, do procedemento administrativo común das administracións públicas (LPA).



Ás solicitudes achegaráselles a seguinte documentación mediante copia:

- DNI do solicitante.
- Licencia federativa en vigor a data da publicación desta orde.
- Certificación da Federación Deportiva correspondente ou documento de organismo oficial que acredite a participación nos campionatos ou probas oficiais de ámbito autonómico ou superior e/ou convocatorias cas seleccións galega ou española da especialidade durante o ano 2020.
- Declaración responsable de non ser beneficiario da Bolsa ADO no ano 2020 e 2021 e non estar incurso en causa de exclusión ou prohibición do artigo 13.2 e 13.3 da Lei 38/2003, Xeral de Subvencións, e artigo 10.2 e 10.3 da Lei 9/2007, de subvencións de Galicia.

4. Procedemento de concesión , Comisión de Avaliación e resolución.

A concesión das bolsas realizaranse polo sistema de concorrencia competitiva.

Publicarase na web e taboleiro de anuncios do Concello de Tordoia a relación provisional das solicitudes presentadas, admitidas e excluídas, co motivo da causa de exclusión e necesidade de emenda no prazo de dez días hábiles dende o seguinte á publicación. En caso de non emendar a causa de exclusión terase por desistida a solicitude.

Unha vez transcorridos os prazos de emenda publicarase nos mesmos medios a relación definitiva de admitidos e de excluídos.

A Comisión de Avaliación estará integrada polos seguintes membros:

Presidente/a: Alcalde Presidente ou persoa en quen delegue.

Secretario/a: A Secretaria Xeral


Vocal: Técnico responsable de deportes.

Á vista da proposta de resolución formulada pola Comisión de Avaliación, a Xunta de Goberno Local ditará resolución dos seguintes extremos:

- Relación de solicitantes aso que se lle concede a bolsa
- Contía concedida.
- Mención expresa de que as restantes solicitudes se entenderán desestimadas.
- Recursos que se poderán interpoñer contra esta e prazo de presentación destes.
- Calquera outra condición particular que deba cumprir.

A publicación na web e no taboleiro de anuncios do Concello substituirá a notificación persoal e producirá os mesmos efectos segundo o establecido no art. 45.1.b da Lei 39/2015, de 1 de outubro (LPA)

5. Abono e xustificación



Para a xustificación da bolsa concedida, os beneficiarios deberán presentar unha conta xustificativa, segundo o modelo Anexo II, no cal indicarán unha breve descrición das actividades subvencionadas realizadas, así como unha relación das facturas xustificativas de gastos realizados durante o ano 2021 e dos ingresos percibidos para a dita finalidade con data límite o día 3 de decembro de 2021.

Acompañarase xunto con:

- Certificado bancario de número de conta.
- Declaración xurada de que os gastos xustificados foron realizados con relación ás necesidades deportivas.


Considéranse gastos válidos para xustificar a bolsa concedida:

- Os derivados da adquisición e compra de material e equipamento técnico deportivo para o adestramento e a competición. Este material non poderá ser inventariable.
- Os derivados dos desprazamentos necesarios para a consecución dos obxectivos deportivos previstos, que estarán debidamente xustificadas.
- Revisións médicas, probas de esforzo, e outros que poidan ser recoñecidos como indispensables para a consecución dos obxectivos deportivos previstos.
- En ningún caso se terán en conta as facturas derivadas de produtos farmacéuticos e protésicos

Transcorrido o prazo para xustificar a bolsa, sen realizarse debidamente a xustificación, producirase a perda do dereito de cobramento da axuda.

6. Disposición adicional

Para o non previsto nesta convocatoria será de aplicación o disposto na Lei 38/2003, do 17 de novembro, xeral de subvencións, o R.D. 887/2006 polo que se aproba o Regulamento de desenvolvemento da Lei 38/2003, do 17 de novembro, a Lei 9/2007, do 13 de xuño, de subvencións de Galicia e as bases para a execución do orzamento xeral do Concello de Tordoia, e demais normativa aplicable.



ANEXO I

1. DATOS DO SOLICITANTE	
BOLSAS A DEPORTISTAS INDIVIDUAIS 2021	
DNI:	DATA DE NACEMENTO:
DOMICILIO	
ENDEREZO:	
CÓDIGO POSTAL:	CONCELLO:
TELEFONO:	CORREO ELECTRÓNICO:
DATOS DO PAI, NAI OU TITOR/A (só no caso de menores de idade)	
APELIDOS:	NOME:
DNI:	DATA DE NACEMENTO:
2. DOCUMENTACIÓN A ENTREGAR	
<ul style="list-style-type: none">- Fotocopia do DNI do solicitante.- Fotocopia da licenzia federativa en vigor na data de publicación.- Certificación da federación deportiva correspondente ou documento de organismo oficial que acredite e enumere a participación e resultados en campionatos oficiais de ámbito provincial ou superior e/ou convocatorias cas seleccións galega ou española da especialidade durante o ano 2020	
3. DECLARACIÓN	
<p>A persoa abaixo asinante DECLARA baixo a súa expresa responsabilidade, que son certos cantos datos figuran na presente solicitude, e que:</p> <ul style="list-style-type: none">- Non estar incurso nos supostos de prohibición para ser beneficiario destas axudas establecidos no punto segundo das bases da convocatoria.- Cumprir os requisitos esixidos na convocatoria.- Non ser beneficiario da Bolsa ADO nos anos 2020 e 2021.- Que a data da convocatoria non está sancionado/a por infracción grave ou moi grave, que houbera adquirido firmeza, por dopaxe, conducta antideportiva, ou por actuacións que tiveran como consecuencia a privación da licenzia, a suspensión da mesma por período superior a seis meses ou a expulsión definitiva da competición.- Autorización ao Concello de Tordoia a comprobar os datos relacionados coas obrigas tributarias e ca seguridade Social.- Autorización ao Concello de Tordoia a comprobación dos datos no padrón municipal.	


En, _____, a ____ de _____ 2021

A persoa solicitante
(pai/nai ou titor/a no caso de menores de idade)

Asado _____

SR. ALCALDE-PRESIDENTE DO CONCELLO DE TORDOIA

ANEXO II



CONTA XUSTIFICATIVA DA CONCESIÓN DE BOLSAS A DEPORTISTAS INDIVIDUAIS ANO 2021

D/D^a. _____, con DNI _____, e enderezo

Como representante a nai, pai ou titor/a (só no caso de menores de idade):

D./D^a. _____, con
DNI _____

1. MEMORIA XUSTIFICATIVA DAS ACTIVIDADES REALIZADAS E DOS RESULTADOS OBTIDOS NO ANO 2021 (anexar documento).
2. DECLARO RESPONSABLEMENTE QUE OS GASTOS NOS QUE SE INCORREU DERIVADOS DA ACTIVIDADE DEPORTIVA SUBVENCIONADA FORON OS QUE DE SEGUIDO SE RELACIONAN (anexar documento no caso de necesitar máis espazo):

Provedor/empresa	CIF	Nº factura	Concepto	Importe

Que os xustificantes dos gastos atópanse para a disposición do Concello de Tordoia, para o seu exame, en caso de ser requiridos.

Que os gastos que arriba se detallan son reais e se aplicaron á actividade subvencionada.

3. OUTROS INGRESOS OU SUBVENCÍONS PARA O FUNCIONAMENTO DA ACTIVIDADE SUBVENCIONADA.

NON

SI

IMPORTE	PROCEDENCIA

Tordoia, _____ de _____ de 2021

A persoa solicitante
(pai/nai ou titor/a no caso de menores de idade)

Asado _____

SR. ALCALDE-PRESIDENTE DO CONCELLO DE TORDOIA